



# QUÆSTIO MEDICA, 14.

QUOD LIBETARIIS DISPUTATIONIBUS

manè discutienda in Scholis Medicorum, die Jovis

22 Januarii 1722.

M. PETRO MALOET DOCTORE  
MEDICO,

Regis Consiliario & Medico, necnon Domûs  
Regiæ Invalidorum Militum ordinario,  
Præside.

*An incipienti Pleuritidi aliquando Emeticum?*

I.

**P**ERICULOSIS affectibus pleuritidem annumerare ne addubites; in eo si quidem inhaeret lateri lethalis arundo: eorum quos misit ad plures vix reperias numerum: nullus in hominum vitam invadit frequentius; morbus est omnium anni temporum; Hyeme grassatur & Æstate, Vere & Autumno, frequentius ramen Hyeme, & Ver inrer & Æstatem; cuilibet familiaris regioni: sive sis Colchus an Assyrius, Thebis nutritus an Argis, perinde illi obnoxius es; æquo pulsar pede masculum & foeminam, juvenem & senem, licet huic ut plurimum sit lethalis ob virium infirmitatem, illi verò maximè periculosus propter mali vehementiam: Pleuritidis duplicem constituerunt speciem, non à materiâ nec à causâ morbi, sed à parte laborante sumpto discrimine; veram dixerunt, inflammationem membranæ costas succingentis, pleuriam vocant; spuriam verò, quæ musculis meso-plevriis insidet; quemlibet lateris dolorem pro pleuritide habere errare est; afficiunt thoracem dolores atrocissimi, à quibus abest febris, respiratio stat facilis, pulsusque permanet æqualis, hos sanè Pleuritides appellaveris immerito; horum enim signa ut & causæ sunt diversa: at legitimæ & nothæ Pleuritidis causæ, signa, symptomata ferè sunt eadem; in illâ tamen graviora sunt omnia, in hac verò remissiora; non enim adeò urget febris acuta, quæ utrique est assidua, respiratio nec tam difficilis, etsi crebra & parva, & latere petitus imò spiritus, pulsus nec ita durus & tensus, licet inæqualis & frequens, dolor lateris non æquè pungens & distendens, sed pressione & decubitu excandescens, quod in verâ Pleuritide minimè accidit, quia morbus internus; unde decubitus in latus ægrum facilis, in

▲



sanum verò maximè molestus & gravis; deorsum enim propendens tumor, pondere membranam distendit & dilacerat.

## II.

**A**PTE si curare volueris, morborum nihil te fallat origo, & caveas pro Junone nubem corripere; sælix sanè qui potuit malorum cognoscere causas, quas caliginosâ premit nocte, non solum natura, sed & systematum Logodactyleorum farrago mirabilis, fingendique & opinandi effrenata libido. In morbis hac suum commendat Archæum, quem iratum enixè studet placare, furem mulcere, territum confirmare; at quis hæc Chimeras spectraque volitantia non diceret? Ille toto crepat ore fibrarum corrugationes, crispaturas, Erethitulum. Hæc autem omnia morborum effectus, non causas quis non videat? Fœtus, non parentes? Opera, non opifices? Quid enim habent quod non acceperint à fluidis solida seu fibræ? Quorsum igitur iis tantum arrogare? Qui in venis & arteriis laudabilis est sanguis, dum purus liberè fluit, nullique non aptus usui, si momento moveti desinat, vitium capit, fitque rudis & indigesta moles, morbos tantum apta producere; in his quidem vitari solida lubens fatebor, sed vitium à fluidis mutuari, Fabio vel Judice vincam: Reclamas? Miror equidem! Exemplo sit Pleuritis; hæc sanè non aptius, quam ab inspissatâ sanguinis diathesi, aut quorundam, ex quibus conflatur humoribus repetes; live enim frigore à balneo, refrigeratione à violento motu, aëte & potatione frigidiori, serum madefaciendæ plevræ dictum seu perspirationis materies lentorem & crassitiem solito majorem acquirant, hinc tùm infarctum & dilatationem plevræ glandularum, tùm vicinorum sanguinis vasorum compressionem, tùm demum ipsius moram, quin & effluxum, proximum inflammationis auctorem, facile deduces. Non igitur Pleuritidem committant tonica vasorum *strictura*, coarctatio spasmodica, fortior villorum elater, fibrarum occillatio crebrior, petulans, nec reorum delicta fluidorum luat immerita solidorum vis systaltica, cum quicquid habet vitii, fluidis acceptum referat.

## III.

**M**ORBOS plerosque à morbis discernere facile quidem, & vel lippis notum & tonsoribus: sed eorum causas, ut plurimum, intricatas evolvere, & in apicum proferre, hoc opus, hic labor est: nec nisi verè Medico datur. Hic in causâ proximâ diagnoscit non quiescit otiosus, sed ulterius & ad fontem mali progreditur. Hinc affectus specie prorsus similes, re & origine diversos distinguit; nam mobilis est & varia malorum natura. Nec morbum curare contentus, illius causam subducere satagit. In Pleuritide plevra inflammatorio tumore tenetur; hic venæ sectionem repetitam dubio procul postulat: ad hæc attendat Medicus necesse est; sed præterea quis modus inflammationis, quæ sanguinis crasis, quale illius vitium, æstimanda; & si quidem viscidus & crassus sanguis tumorem produxerit, si stomacho tumultum lenta ferat pituita, si ille vinoque ciboque fervet, si corpus hesternis onustum vitis unâ prægravat animum, atque humo affigit divinæ auræ particulam, hæc sanè Emeticum indicant, quicquid in contrarium clamitent nonnulli;

3  
Illud in his casibus periculosum esse fuge suspicari; hoc primatum viarum educet saburram, summi mali materiam, quæ infirmo capiti, quin & pectori fluere utilis, utilis alvo; quippe illa pondus est noxium, quod sublaro profligit sui compos natura, franis remotis.

#### IV.

**D**E Anacatharsi equidem quid malè cogitas, quæ malum altis defixum radicibus evellit & eradicat? Quid times, cæco ductus præjudicio, turbas & procellas à remedio motos componere fluctus? Quid vereris irritationem à medicamine mali irritamenta subducente? At, ais, benigniora etiam medicamenta sitim, calores, tormina, & sexcenta alia solent movere? Ab his sanguinis motus intenditur? Esto hæc locum habeant in iis, quibus sicum ardet jecur, & inquietis bilis insuatur præcordiis, quorum sanguis fervidus ad exandescentiam pronus. At in morbis à lymphâ inspissatâ, & sero redundante oriundis, in quibus molesta est pituita, ut aliquando evenit in Pleuritide, mala quando copia ægrum sollicitat stomachum, & primas inquinavit vias, fonte hoc derivata clades in pectus fluit, tùm in Emerico stat tutissima salutis anchora, omnemque prælibatis venæ sectionibus, paginam adimplet. Analogismum desideras. In dysenteria, quam Pleuritidi valde affinem quidam observarunt, seviunt dolores atrocissimi, adsunt fibrarum tensiones, vellicationes, contractiones, quæ omnia vomitorio, radice nempe brasiliensi, semel adhibito, sæpenumero sedantur, compescuntur: hac ratione Kermes minerale, remedium non quidem novum, sed quod, cum aliquandiu, nescio quo fato, quasi obsoletum fuerit, nuper à quibusdam renovatum est, & Regis liberalitate vulgatum, in Pleuritide & peripneumoniâ prudenter usurpatum, etiam circa initia mira præstat, tantum valet in morbis vis emetica.

#### V.

**Q**UI Medicum se proficitur morbum curare debet, non neglectâ causâ, quâ sublata sæpe sæpius hic tollitur, aut si supersit facilius debellatur, profligatur. Si Pleuritidem cum sædâ ventris proluvie conjunctam advertas, si morbum peperit cibus imperfectus & ardenti hærens stomacho, in hoc educendo una manet salus; sed quid istas auferet luxuriæ sordes? Huic scopo collimare si velis, & opatam studes metam contingere, propere saginis laxare stomachum, ut crudi ponant succi pericula, & libitinam evadat æger; hunc in finem Emerico nihil præstantius, hoc primam eruet mali labem; primis ergo temporibus (nam in festinatione securitas, nec cunctando in Pleuritide rem restitues) celebratis aliquibus venæ sectionibus, si audacem in illo præscribendo te præstiteris, innumera avertens symptomata omne feres punctum, & metuenda pelles pericula; alioquin multa renascuntur, quæ sanguinis missione cecidere, sopitique ignes suscitabuntur. Nec te ab hoc instituto deterreat antiquitas, mendosâ Hippocratis interpretatione, occæcata: (a) *Concolta purgare & movere oportet, non cruda, neque in principiis, nisi turgent; raro autem turgent.* Turgent igitur aliquando, & tunc, teste Hippocrate, movenda sunt incipiente morbo; sed quò maximè ver-gunt ducenda, & per loca convenientia, ut nihil invitâ facias Minervâ:

(a) Hippocr.  
aph. 22. scd. 10

4

hoc Artis opus, dùm naturam obsequentem reperit, parataque omnia;  
morbi auspicatos contundit impetus; sed in iis dijudicandis cautus sis;  
in acutis enim *judicium difficile, experimentum periculosum*: hæc non sunt  
tyronis & imperiti, cui natus nullus est, nec discipulo Philippi com-  
mittenda; sed majoribus curanda Medicis nempe exercitatis, qui cer-  
nant acutum, & sapientibus; nam medendi rectè sapere est fons &  
principium.

*Ergò incipienti Pleuritidi aliquando emeticum.*

Domini Doctores disputaturi.

M. Guillelmus de Magny.

M. Joannes - Damianus  
Chevalier.

M. Franciscus Aignan.

M. Gabriel - Antonius Jac-  
quet.

M. Claudius Brunet.

M. Jacobus Fourmeas,

M. Claudius de la Vigne  
de Frecheville.

M. Ludovicus de Santeul.

M. Michael - Ludovicus  
Reneaume de la Garenne,  
Regia Scientiarum Aca-  
demia Socius.

Proponebat Parisiis GEORGIUS - ANTONIUS TARON  
DE LOMMEAU, Bajocensis, Baccalaureus Medicus,  
A. R. S. H. 1722. à sextâ ad meridiem.